

譚武兴公传略

祖武兴字世泰，号如陵。茶之尧溪籍也。性至孝父疾，昼夜侍汤药，衣不解带者，累月倦极，依榻卧日以为以常。父卒尽哀尽礼，终三年之丧，未常入私室，乡党以是称孝焉。及诸子贵，上酬其功，诰赠三代。因痛念奕祖避地播迁之苦，未及身享子孙之报愿，辞已所得封诰，命三子陈情于王也。赠曾祖以遂孝衷，王允其请，厚崇追封。故奕祖得赠光禄大夫，禄祖奉训大夫，兴祖嘉议大夫，初管茶陵七乡四十四都；后分三乡十一都为鄙县，以故茶推祖为巨户，纳税钱二千五百贯，盖最上等也。相传创居太平园后，得古窖无数，人以为纯孝之报所致。云祖生于唐僖宗乾符二年乙未公元八七五年卒于出帝天福二年癸卯公元九四三年葬上塘大傅园住场右，今枫树犹存焉。配徐氏葬十三都焦坑太平园，生三子：进峰、进鸿、进颇。

一本堂曰：孝为百行之源尚已然。薄俗私妻子，罔念所生者，何限若祖始终不懈，暗室不欺，大德之行可以风矣。敕命既至，乃辞封诰以彰祖德。非所谓孝思不匮，永锡尔类

者欤，或谓得古窖富甲一邑，为纯孝之报，理或然也。今游焦坑睹墓傍枫树枯矣，而枝千数百年如故不亦异乎。

摘自《湖南茶陵谭氏十八宏首修通谱》

湘潭谭氏源流编纂委员会